

过一个有古典意境的中秋节

原创 2016-09-14 校友会秘书处 华南理工大学校友会

中秋团圆

举头望明月，天涯共此时。

又是一年中秋佳节。值此良辰美景，花好月圆，华南理工大学校友会向海内外三十多万校友致以诚挚的问候：**愿你们阖家欢乐、美满安康！**

今夜，我们共赏一轮明月，而这轮明月，也曾照映古人。古人以节寄情，以情入诗，或追思亲友，或遥望故乡，为这月圆之夜留下一首首动人的诗篇。在此，小编挑选了几首经典的中秋节诗词，供校友们一同品鉴，共贺佳节。

《水调歌头·明月几时有》

（宋）苏轼

丙辰中秋，欢饮达旦，大醉，作此篇，兼怀子由。

明月几时有？把酒问青天。不知天上宫阙，今夕是何年。我欲乘风归去，又恐琼楼玉宇，高处不胜寒。起舞弄清影，何似在人间！


转朱阁，低绮户，照无眠。不应有恨，何事长向别时圆？人有悲欢离合，月有阴晴圆缺，此事古难全。但愿人长久，千里共婵娟。

《水调歌头·徐州中秋》

（宋）苏辙

离别一何久，七度过中秋。去年东武今夕，明月不胜愁。岂意彭城山下，同泛清河古汴，船上载凉州。鼓吹助清赏，鸿雁起汀洲。

坐中客，翠羽帔，紫绮裘。素娥无赖，西去曾不为人留。今夜清尊对客，明夜孤帆水驿，依旧照离忧。但恐同王粲，相对永登楼。



《念奴娇·过洞庭》

（宋）张孝祥

洞庭青草，近中秋，更无一点风色。玉鉴琼田三万顷，著我扁舟一叶。素月分辉，明河共影，表里俱澄澈。悠然心会，妙处难与君说。

应念岭表经年，孤光自照，肝胆皆冰雪。短发萧骚襟袖冷，稳泛沧溟空阔。尽挹西江，细斟北斗，万象为宾客。扣舷独啸，不知今夕何夕。



■ 明月扁舟 唐寅（款）

《满江红·中秋夜潮》

（宋）史达祖

万水归阴，故潮信盈虚因月。偏只到、凉秋半破，斗成双绝。有物指磨金镜净，何人拏攫银河决？想子胥今夜见嫦娥，沉冤雪。

光直下，蛟龙穴；声直上，蟾蜍窟。对望中天地，洞然如刷。激气已能驱粉黛，举杯便可吞吴越。待明朝说似与儿曹，心应折！



《木兰花慢·可怜今夕月》

（宋）辛弃疾

中秋饮酒将旦，客谓前人诗词有赋待月无送月者，因用《天问》体赋。

可怜今夕月，向何处，去悠悠？是别有人间，那边才见，光影东头？是天外。空汗漫，但长风浩浩送中秋？飞镜无根谁系？姮娥不嫁谁留？

谓经海底问无由，恍惚使人愁。怕万里长鲸，纵横触破，玉殿琼楼。虾蟆故堪浴水，问云何玉兔解沉浮？若道都齐无恙，云何渐渐如钩？



《望月怀远》

(唐) 张九龄

海上生明月，天涯共此时。
情人怨遥夜，竟夕起相思。
灭烛怜光满，披衣觉露滋。
不堪盈手赠，还寝梦佳期。

《十五夜望月寄杜郎中》

(唐) 王建

中庭地白树栖鸦，冷露无声湿桂花。
今夜月明人尽望，不知秋思落谁家？



■ 梅下赏月图

《八月十五夜月》

(唐)杜甫

满月飞明镜，归心折大刀。
转蓬行地远，攀桂仰天高。
水路疑霜雪，林栖见羽毛。
此时瞻白兔，直欲数秋毫。



■ 宋 瑶台步月图



编辑/校友会秘书处 黄竞妍

如果您热爱诗词
有关于中秋节的原创佳作想与大家分享
欢迎给我们投稿
校友会将择机选登

联系人：赖老师
邮箱：alumni@scut.edu.cn
请注明姓名、年级专业、联系方式哦！

情系母校，追忆青春，欢迎阅读《校友文化周刊》。长按下图指纹可以关注华南理工大学校友会微信公众号哦！



长按指纹自动识别关注

华南理工大学校友会